

# REALIZACIÓN DE INSCRICIÓN E REMISIÓN DE RESULTADOS.

Tempada 2013 - 2014. Circular 13-05.

A continuación indícanse os procedementos que se deben seguir para a realización de inscricións en competicións empregando o programa de competicións, así como para a remisión dos resultados correspondentes á Federación.

## 1. INSCRICIÓN.

Todas as inscricións serán remitidas por correo electrónico, empregando a base de datos (*ou modelo*) correspondente á competición de que se trate á Federación, enderezo de correo [inscricions@fegan.org](mailto:inscricions@fegan.org) dentro do prazo previsto. Xunto co devandito arquivo remitirase, no mesmo correo electrónico, a "acta de preinscrición" (informe 3) que o propio programa xera (icona de impresora), en **formato PDF** (preferible) ou DOC. Neste documento o clube deberá comprobar que a inscrición é realmente a que desexa remitir, así como cubrir os datos de técnico, persoa de contacto, etc.

Este correo electrónico remitirase á Federación con confirmación de lectura, sendo **responsabilidade do Clube que realiza a inscrición asegurarse da súa recepción**. En caso de dúbida a confirmación poderá facerse telefonicamente.

En ningún caso serán aceptadas novas inscricións, nin modificacións ás xa recibidas con posterioridade ao prazo establecido.

## 2. RESULTADOS DAS COMPETICIÓN ORGANIZADAS POLOS CLUBES.

Os resultados de todas as competicións remitiranse á FEGAN ao enderezo de correo [resultados@fegan.org](mailto:resultados@fegan.org). Xunto co arquivo RES xerado polo programa, incluírase tamén a base de datos da competición e o cartafol de datos que está en **C:\DATANT\código da competición** (este código pódese ver nas propiedades do campionato). Amais, no mesmo correo enviaranse anexos os resultados en **documento PDF** (preferible) ou DOC cos parciais visibles (Informe de resultados por proba en probas individuais e resultados estendidos por categorías ou por idades -segundo corresponda- no caso das probas de remudas) e a ficha técnica da competición. A información requirida enviarase, comprimida dentro dun único arquivo en formato ZIP (ou outro se se acorda entre os destinatarios).

Para a denominación das probas seguirase o sinalado no ANEXO I. En canto á sede de celebración, na web da FEGAN están a disposición na sección "piscinas homologadas" o nome oficial das sedes, o que debe especificarse no programa de piscinas nos datos Lugar e Sede, nos dous ponse o mesmo. Ex. Riazor

Os resultados deberán remitirse dentro do prazo previsto para cada competición, en calquera caso a documentación deberá estar na federación **como máximo o martes posterior á celebración da competición**.

No caso de que os resultados sexan confeccionados pola federación, o clube organizador deberá remitir o antes posible as follas dos cronometradores xunto coa ficha técnica da competición na forma que se acordase previamente. En calquera caso, a documentación deberá estar na federación **como máximo o martes posterior á celebración da competición**. A federación porá os resultados a disposición dos clubes participantes nun prazo de 24 horas, a contar dende o momento no que se reciba a documentación.

**A ficha técnica da competición deberá remitirse sempre á Federación por fax ou correo electrónico.** No caso de que se producise algunha incidencia que se reflecta na ficha técnica, esta deberá remitirse obrigatoriamente asinada, polo que para ser enviada por correo electrónico ha de ser asinada, escaneada e anexada ao correo electrónico.

O clube que incorra nalgún **atraso** na remisión dos resultados das competicións que organice deberá pagar á federación **60 euros**. No caso de **reincidencia** a devandita cantidade será incrementada a **120 euros** (Regulamento Xeral – Libro III, Art 7.I.1 c e Art. 9.III c). No caso de que dita circunstancia se repetise por terceira vez, a Federación encargárase da confección de series e resultados das competicións organizadas por dito clube durante o resto da tempada, previo pago dos gastos correspondentes conforme á circular .

O clube organizador, ou no seu caso a FEGAN, porá a disposición dos clubes participantes (enviando por correo electrónico ou pendurando na súa web en lugar de fácil acceso) o arquivo RES e documento PDF ou DOC de cada competición. A ficha técnica da competición poderá enviarse por fax, por correo electrónico ou pendurarse na web do organizador en lugar de fácil acceso xunto coa documentación anterior.

As follas cubertas polos cronometradores permanecerán depositadas no clube organizador ou no seu caso na FEGAN por un período de catro meses, dispoñibles para a súa consulta ante calquera posible reclamación.

### **3. RESULTADOS DAS COMPETICIÓNS CELEBRADAS FÓRA DE GALICIA.**

Os clubes que participen en competicións fóra de Galicia (a excepción dos Campionatos de España) deberán remitir os resultados á FEGAN co obxectivo de rexistralos adecuadamente o antes posible, non superando en caso ningún os cinco días seguintes á celebración da competición. Se os resultados estivesen accesibles a través de internet abondará con comunicar a participación e a web na que se poden recoller.

No caso de que a competición non fose realizada co programa "Piscina" e polo tanto os resultados non estean en formato RES será o clube o encargado de xerar o RES. Para elo o clube terá que rexistrar os resultados no seu programa "Licencias" (alta de resultados) para logo exportalos en formato RES e enviar o/s ficheiro/s cos resultados das probas concretas á FEGAN. Ante calquera dúbida contactar co informático da FEGAN.

### **4. MANUAL PROGRAMA PISCINA ESPECÍFICO FEGAN.**

Na web da FEGAN está a disposición de todos un pequeno manual (9 páxinas con imaxes) do programa Piscina, específico da FEGAN no que sinalan os pasos para realizar adecuadamente todo o proceso de creación de resultados e o seu posterior envío á FEGAN.

A Coruña, 27 de setembro de 2013

Secretaría Xeral FEGAN

## **5. ANEXO I.**

Suxestións para a remisión de Resultados. O presente documento é unha suxestión para todos os que redactan resultados.

### **5.1. FORMATO RECOMENDADO PARA OS FICHEIROS DE RESULTADOS.**

Recoméndase o emprego do formato PDF o cal non varía a presentación do contido cando o abrimos desde outra computadora.

Para poder enviar resultados en PDF é preciso ter un programa xerador de PDF, na web da FEGAN hai un que é gratuíto (PDF Creator).

Ao instalalo crea unha impresora que se chama PDFCreator, e ao imprimir nela o que fai é xerar un ficheiro PDF que nos pregunta en que parte do noso disco duro queremos gardar o ficheiro a pasar a PDF (igual que se fose un documento do procesador de textos).

Para xerar os documentos PDF desde Piscina (ou Licenzas) o único que temos que facer é seleccionar a impresora PDFCreator e logo imprimir.

### **5.2. NOMES DOS FICHEIROS.**

#### **5.2.1. XENERALIDADES**

Para formar nomes dos ficheiros, empregaremos minúsculas sen acentos e o guión baixo para representar espazos.

Minúsculas: Mellor que os nomes sexan sempre con todas as súas letras en minúsculas.

Sen acentos: non empregar acentos, xa que pode dar lugar a erros, sobre todo cando se descomprimen os

arquivos.

Sen espazos: en lugar dos espazos mellor empregar o guión baixo "\_".

Sen caracteres estraños: non empregar parénteses, símbolos de primeiro/a, chaves...

### 5.2.2. NOMES DAS PROBAS

Para pórle un nome a unha proba suxerimos o seguinte sistema:

orde con dous díxitos\_distancia da proba\_estilo cun díxito\_sexo con tres díxitos\_idade se existe.pdf

Orde: a orde será de dous díxitos: 01, 02, 03, 04... isto facilitará que os documentos estean sempre ordenados por orde xa que se comezamos por 1, 2... logo pode pór o 10 antes que o 2.

Distancia: a distancia será o número da distancia total que se debe percorrer: 25, 50, 100, 200, 400, 800, 1500, 3000...

Estilo: o carácter para representar os estilos será: "l" libre, "e" costas (espalda), "b" braza, "m" bolboreta (mariposa) e "s" estilos. A letra que representa o estilo irá pegada á distancia ex. 100s -> 100 metros estilos.

Sexo: o sexo vai a continuación do estilo separado cun guión baixo e indícase poñendo os tres primeiros caracteres: "mas" para masculino e "fem" para feminino.

Categoría: no caso que na competición participen máis dunha categoría será preciso indicalo. Para indicar a categoría farémolo poñéndoa en minúsculas seguindo a seguinte lóxica: "infa" para a categoría infantil, "alev" para a categoría alevín... e "abso" para a absoluta. Exemplos: 10\_200b\_mas\_abso.pdf -> proba dez, 200 metros braza, masculino absoluto. 45\_4x200l\_fem\_juni.pdf -> proba corenta e cinco catro por 200 libre feminino categoría júnior.

Ano: no caso de que na competición participe máis dunha idade para a mesma categoría, indicarémolo co número de idade seguido dunha "a" por exemplo 10a -> dez anos, 14a -> catorce anos... antes da idade poremos un guión baixo ex. 04\_400m\_fem\_16a.pdf -> proba catro, catrocentos metros bolboreta, feminino 16 anos.

Casos raros: Se nunha competición participasen máis dunha categoría e estas se separasen por idades indicariámolo do seguinte xeito: 02\_50e\_fem\_alev\_11a.pdf -> proba dúas 50 costas feminino categoría alevín idade 11 anos, 03\_50e\_mas\_alev\_12a.pdf -> proba tres 50 costas masculino categoría alevín idade 12 anos.

Exemplos:

1 categoría	2 categorías	1 cat 2 idades	1 cat 2 idades	1 cat + 1 cat con 2 idades
01_100e_mas.pdf	10_4x50m_mas_alev.pdf	21_200e_fem_10a.pdf	03_25l_mas_8a.pdf	06_200e_fem_abso.pdf
02_100e_fem.pdf	11_4x50m_fem_alev.pdf	22_100l_mas_11a.pdf	04_25l_mas_9a.pdf	07_400l_mas_juni_15a.pdf
03_200l_mas.pdf	12_4x50m_mas_benx.pdf	23_100l_fem_11a.pdf	05_25m_fem_8a.pdf	09_200b_mas_juni_16a.pdf